

794—800

Utinam mihi liceat sepius ammonitionis cartulam dirigere almitati vestrae; sicut nobilissimus iuvenis Chlodoicus^{a1} germanus tuus me rogavit saepius mittere ammonitionis illi litteras. Quod iam et feci et volente Deo faciam; quas etiam cum magna humilitate legere solet².

Hoc mihi maximum est gaudium, quando bonos, sicut dignum est, mores de^b vobis audiam. Hoc enim Dei donum est, prosperitas regni, dominos populi christiani elegantissimis vivere moribus Deoque placenti vita conversari^c inter homines. Inde benedictio caelestis^d genti et regno^e provenire certissimum est, quam Deus vestrae nobilitati aeternaliter concedere dignetur.

Floreas, valeas et vigeas^f, proficiens in omni bono et prosperitate ad exaltationem sanctae suae ecclesiae, dulcissime fili.

189.

Alcvinus Cuniberctum episcopum Vintoniensem rogat, ut pro se preces faciendas curet, neve pro veritate dicere desinat. 794—800.

Cod. H fol. 104'—105'.

Edd. F 204, Haddan and Stubbs Councils III, 482, J 130. — Migne col. 490.

15

VENERANDE DIGNITATIS PATRI CUNIBERCTO EPISCOPO³ HUMILIS LEVITA
ALCHVINUS SALUTEM.

Olim in sinodali sanctorum patrum conventu^{a4} vestra bonitas nobiscum pepigit pacta caritatis. Quae propter oportunitatem huius portitoris⁵ his litterulis humilitati^b nostrae renovare studeat, ne forte longa absentia oblivionem nostri nominis vobis²⁰ confecisset^c. Caritas oblivionem non patitur, et veritas nulla temporis longitudine maculabitur; maxime in tali persona et tam praeclaro sanctitatis viro, cuius latissimus melliflui pectoris sinus multitudinem spiritualium congregare amicorum solet. Inter quos parvitas meae nomen aliquem, deprecor, inveniat locum, ut^d vestra nobilissima fidelitas quondam, ut praediximus, promittere non abhorruit. Necnon supplici obse-²⁵ratione, pater mi, deosco, ut sanctissimis vestri regiminis fratribus eandem de nobis spiritalem curam habere iubeatis.

Fateor tibi, sanctissime praesul, quod venerabiles fratrum congregationes studiose amavi, quas^e in illis regionibus Deo deservire dignis moribus, narrante fama, audivimus; licet nobis datum non esset corporali visione illos adgredi. Quare^f vestra³⁰ potest pietas pro amore Christi pro nobis loqui; nec ullatenus Deus deerit in remuneratione vestrae devotioni, vir optime. Decet enim sacerdotalem dignitatem omnibus se deprecantibus pietatis praestare affectum, absentes sacris orationibus adjuvare, praesentes evangelicae praedicationis instantia confirmare.

Scis optime, quanta necessitas est populo christiano, ut praedicator verbi Dei³⁵ non taceat, et nostrae celeberrimae insule Britanniae habitatoribus, ubi quondam multitudo doctorum verba vitae perpetuae continua praedicaverunt instantia, sed nunc

^{a1}) Chlodoocus *corr.* in Chlodoicus *H.* ^{b)} de vobis *om. L.* ^{c)} conversare *H, L.* ^{d)} caelesti *L.*

^{e)} regna *H, L.* ^{f)} rigeas *L.*

189. ^{a)} conventum *H.* ^{b)} humilitatis *H;* humilitati *emend. Watt.* ^{c)} vobis confecisset *scripsit* ⁴⁰
J. pro vobiscum fecisses H. ^{d)} ut *scripsit J. pro et H.* ^{e)} quae *H.* ^{f)} quare *scripsit J. pro quem H.*

1) *Rex Aquitaniae, postea imperator.* 2) *Alcvinus eum fratribus suis humiliorem appellavisse dicitur in vita c. 15 (SS. XV, 193).* 3) *Vintoniensi 786—801.* 4) *sine dubio a. 786. in synodo Corabrigensi, cf. supra p. 29 lin. 4.* 5) *Cf. supra p. 141 l. 29, 223 l. 18, infra p. 317 lin. 23.*